

SUPPLICAS EL TEMPS DALLA CORONA-PANDEMIA

Jesus, nies Diu e Salvader, en in temps dagrevezia e malsegirtad sigl entir mund vegninnus tier tei e rughein:

Per ils carstgauns ch' ein vegni infectai cul coronavirus ed ein malsauns; per quels ch' ein malsegirs ed han tema.

Per tut quels che lavuran el sectur da sanadad e s'occupan cun grond engaschi per ils malsauns.

Per ils responsabels ella politica naziunala ed internaziunala, che ston prender di per di grevas decisiuns pil beinesser dils carstgauns.

Per quels che portan responsabladad pil commerci e l'economia; per quels che ston temer per lur existenza professiunala ed economica.

Per ils carstgauns che han tema da vegnir emblidai en quei mument; per nus tuts ch'essan aunc mai vegni confruntai cun ina tala situaziun.

ORAZIUN PER ILS PERTUCCAI DALLA CORONA-PANDEMIA

Gie, nus essan creatiras mortalas e saveinbuca controllar tut. Ti sulet eisorigin e finamira da tut bien. Ti sulets eis da perpeten en perpeten adina plein carezia. Tiu sogn Spért conservi nos cors en engrazieivladad.

Purtai da profunda pasch interna vegnin nus a puder subsister era en questa crisa. Jesus, ti signur e frar da tut ils carstgauns, Tia preschientscha fa fugir la tema e dat nova speranza che fa sesarver nos cors in per l'auter en beinvuglientscha da segidar.

(uestg Hermann Glettler)

Bien Diu, ti eis nies refugi e nossa forza, bia generaziuns avon nus han anflau tei sco pussents, sco gidonter en tuttas situaziuns.

Assista a tut quels ch' ein involvai en quella crisa e rinforza en nus la cardientscha, che ti has quitau da mintgin e mintgina da nus. Persuenter rughein nus entras Cristus, nies Signur.



Urar el temps da Coronavirus

Pleiv Catolica Breil/Brigels
Plevon sur Sajan
Via Principala 41
7165 Breil
079 131 45 07
www.pleiv-breil.ch

ORAZIUNS PER ILS PERTUCCAI DALLA CORONA-PANDEMIA

Bien Diu, la corona-crisa fa tema a nus. Ina tala situaziun hai aunc mai dau. Sigl entir mund vegnan carstgauns malsauns. Ed aunc bia pli biars stattan a casa ni sin distanza, per buca s'infectar cun quei virus. Nus rughein tei: Assista nus en quella situaziun. Seigies da-manivel als malsauns ed a quels che segidan cun els. Gida nus da star ruasseivels. Gida nus d'esser solidars cun quels che drovan ussa nies agid. Bien Diu, lai passar la corona-crisa beinspert sperasvi, e schenghegia a nus curascha e fidonza.

Segner, Diu dalla veta, impressiunai e consterni dalla crisa e dalla miseria ch'il coronavirus effectuescha vegnin nus tier tei e rughein:

Per tut quels ch'ei uss engrevegai massivamein en lur veta da mintgadi,

Medegheschails infectai e malsauns,

Lai sentir els tia vischinonza ed assista oravontut als moribunds.

Consolescha quels che han stuiu schar murir enzatgi da lur cars, parents ni amitgs ed amitgas.

Assista cun tiu Spèrt dalla sabientscha ils perscrutaders dalla medischna ch'els possien enconuscher ils connex e dai ad els l'energia d'anflar las dretgas soluziuns per migliur.

Dai a miedis e miedias ed a tut il personal da tgira la forza ch'els drovan en quella situaziun extrema.

Gida ils responsabels ella politica da prender las dretgas decisiuns.

Nus engraziein per tut ils umens e per tut las dunnas che fan tut lur pusseivel per mantener il provediment e l'infrastructura danossa tiara.

Nus rughein per tut quels ch'ei en panica ni che han tema e san buca tgei far.

Nus rughein per tut quels che teman e piteschan entras las restricziuns gronds donns materials e che ston temer per lur existenza.

Bien Diu, nus recumandain a ti tut quels che ston star uss en curontina.

Nus rughein per tut quels che sesentan persuls en quei temps e che han negin che sempatscha e segida cun els.

Rinforza il cor dils atempai e da tut quels che drovan tgira, pertgira els cun tia migeivladad e dai ad els la ferma perschuasiun che nus essan uni in cun l'auter malgrad la greva situaziun.

Nus rughein da tut cor, fai tschessar l'epidemia.

Gida che las resursas ed ils indrezs medicinals tonschien per gidar quels ch'eiin tuccai da quella malsogna.

Nus rughein ch'il diember dils infectai e malsauns tschessi.

E nus sperein ch'ei regi beingleiti puspei en tuts graus e dapertut normalitad.

Bien Diu, gida nus dad esser engrazieivels per mintga di che nus savein passentar saunamein.

Lai mai emblidar nus che la veta ei in regal rumpeivel.